

Nuvipa 29, 2004-12-02
Phyllis Beaulieu
Maaniyauyuq Laisaliginiqmun
Nunavut Imaligiyyit Katimayit
Titigaqavua 119 Uqhuqtuq, NU X0B 1J0
Fax-kut: (867) 360-6369

Tahera Imaqmun Laisakhamun Tukhigautmun Uqauhiit Tuniyauyut

Tapkuat Hamlangat Kugluktup piyumayut qaphinik uqauhiqaqlutik piplugu tamna imaqmun laisakhamun tukhigautanut Tahera Qiplariktut Kuapurisan piplugu upalungaiyaqhimanii uyagakhiuqvikmun qiplariktunik talvani Jericho havakviani.

Tapkuat nunaliuyut Kugluktukmi atuqpaktut imaqmik talvangat Kugluktuk Kuugaqmin imaqanianit nunaliuyunut pityutauyunik. Tamna Jericho havakvia tahamaniingittuq imaqaviani. Taimaittumik, tapkuat Hamlatkut Kugluktukmi pihimaittut taihimayunik kitunikluqak imaqmun ihumalugutunik tugangayunik uumunga havakhamun.

Naunaiyaqhugit tapkuat tuhaqtakhat piqaqtitai tapkuat Hamlatkut Steve Lines-min, havaktuq Nunavut Imaligiyyit Katimayini, naunaiqtauuyuk tapkuat nanminilgit nigiugiyauyut utiqtitiniaqniinik piplugit tapkuat hukhaungiyaqnii ahianguqtitniiluniit imaqaqniuyut iqalulgit tahamani havakviuyumi. Naunaitpiangitkaluaqtitlugu uvaptingnut qanuqtut tamna imaqmun laisakhamun naunaiyaguhii piyauvagiakhaitnik tapkuat tuniyauniinut iqaluligiyyit piyungnautinik taphumunga havaktauyumun, ihumayugut piqatigipyagiakhaitnik, piyumaplutalu pivikhauyumi uvani inungnut uqaqvikkumaplugin tuhaqhitnii ihumagiyavut.

Tapkuat Hamlangat Kugluktuk nalungitai tapkuat Timingat Iqaluligiyyit Tagiuqmiutaligiyyit (DFO) Tammailimaittut Tamaitnik maligait atuqhimayut talvani Ekati Uyagakhiuqvikmi, tamna Daivik Uyagakhiuqvikmi Kugluktuklu Uqualiuqhimayumi. Piluaqtumik, tuhaumayavut tapkuat Daivik Qiplariktut Uyagakhiuqvik Nanminilgit tatya atugiaqaqtitauyut Tagiuqmiutaligiyyit ahianguqniinik nakuuyut tattit taiyauyut M1, M2 tamnalulu M3 haniani havakviata utiqtitviginiinik tammaiyauyut iqaluit nayuqpaktai talvani Kivaliqmi Qikiqtami.

Qaphini tatqiqhiutini qangahaq, tapkuat Hamlangat ikayuhimayut tapkuat tikuaqtauniinik tamna Katimayiuyuk Jack Himiak talvunga Ekati Iqaluit Nayuqpaktainut Utiqviuyukhat Katimayit. Tapkuat Hamlatkut ikayuqtuqmiyai nunaptingni Anguhiqiyit naunaiyaqniinik iqaluit nayuqpaktai utiqviuyukhat maniit pinahuaqhugit ihuaqhagaunii kuugauyat piiyaqniinut pityutai tapkununga tagiumit mayugaqattaqtut Iqalukpiit tahamani Kugluktup Tagiungani. Una nakuuyuk naunaipkutauyuk havaktauyumun tamna ilaulaq nunaliuyunut nunalikni, pilaqpiaqtuq qanugiliugutauluni iqaluknut, tamnalulu pityutaulaq pivaliqhimaniinik iqalugiakhityutainut tapkuat atuqpiaqmata nunalipitingnut. Piqaqtuq naunaipkutakhagaluknik tapkuatlu inuit ikayuqtuqtai tapkuat Tammailimaitpiaqtut Tamaitnik maligat atuqplugu ihuaqtumik pityuhikhanik tahamani Kitikmeotni ihumagiyainik tapkuat pinnagiyaunii iquluqaqniit inungnut, iqaluit nayuqpaktainut ihuilgut tahapkuat pivakmata tahamani Kitikmeotni, tapkuatlu ihumagiyai tapkuat nakuuqpiagtut atautikkutlu tahamani quyagitnaq itnii ilitquhii mikiyut maniqami tattit.

Atuqpiangitniqhaq tapkuat amigaiqpiligahuaqnii iqaluit haniani uyagakhiuqviiit havakviani tahapkuat atuqpiangittut niqikhanut tapkunangat ikayuqhiqniinik nayuqpaktai iqaluit tahapkuat niqauvaktunit piyauvaknii. Atuqpiangitniqhaq piyauniinik tapkuat nayuqpaktainut ihuutyutai pilaqtut atuqtauliqniinut havikhaqhiuqniqmun qiniqviiit havakvii, tahapkuatut Hope Tahiq, tapkuatluniit pinahuaqnii atuqpiagtut ihuulgut tahapkuavaluit imakhihimanii kuukiqniit kuugauyat atuqpiagialgit Iqalukpiknut huvaliuqvii. Piqaqtitlugu hannat tausitluniit mikiyut tattit tahamani Qitiqmiut Maniqami Nunaani tapkuat huli tahamaniittut nakuuqpiagtut halumayut qanugitnii, ayuqnaqpiagtut qanuqtut angipyaktumik ahianguqtiqnii qaphit ihuaqtauqpiagiakhainik iqaluit amigaitniinut tamatkiqlugit.

Pinahuaquyavut tapkuat Nunavut Imaligiyyit Katimayit tapkuatlu Tagiuqmiutaligiyyit angiqniinik iqaluknut Nayuqpaktainut utiqtukhanik pityuhikhat ihumagilugit tahapkuat pinagiyauniit. Pihimakpata taihimayut pinahuaqniit hatqumiqtai tapkuat Uuktugutilgit pinahuaqniinik utiqviunikhat tapkununga tammainiitut hukhalimaiyaqniinutluniit iqaluit nayuqpaktai talvani Carat Tahiq, Takiyuq Tahiq, tapkuatluniit ahii kuugauyat imaqaqniitluniit avataani taphuma havakviuyup, pitquigaluaqutut tahapkuat ihumagiyaqtuplugit atuqtautitlugit pinahuaqniinik hanatyuhikhai nakuuyumik pivaliquplugit havakviuyut. Taimaittut havaktauyut ilaqalat:

- Naunaiyaqnii qattaqyuat hunalgit iqaqhimayakhainik talvunga Hope Tahiqmun, tapkuatlu amulugit huguqtigutauniahagtutlugit tahiqmun.
- Naunaiyaqnii tapkuat uuktugutauyut Uataani Kitikmeot Nunap Atuqtauniinut Upalungaiyautit Halumaqtiqniinut Havakviit titiqat naunaigahuaqlugit kitut piyauhimaligiakhainik havakviit qanugitnahuqutauyut iqaluknut, naunaiyaqlugit ihuulguaqgiakhai halumaqtiqpiaglugitlu tahapkuat havakviit.
- Hanania ikaagut talvani 8-Tahiq haniani Kugluktuk pinahuaqhugu hapuhiphania tamna kuugauyaq piqagutauyut qipuktagalukviat iqaluit talvani tahiqmi.
- Ihumagiyaunii kitutliqak qaphi ahii kuugauyat piyaqnii havaktauyut tagiup hinaani kuugauyat kuukatlu ayyikkutai taphuma havaktauyup taty piyauyut tapkunangat Kugluktuk Angonaittit Katimayit talvani Hingittok Tahiqmi.

Takuhaulguqtut tapkuat Timingat Iqaluligiyyit Tagiuqmiutaligiyyit piqangittut pityutikhanik pinahuaqniinik tapkuat atuqtaunginaqtut attaqtuyut huviuqviiit ihuutyutai piyauvaktut Iqalukpikni tahamani Kitikmeot tagiup hinaani. Una Timiuyut pihimakmiya naunaiqpiaghugu Kugluktukmun Naliaknikluniit qimaktauhimagaluaqtitlugu pigiyauligaluaqtitluguluniitiqakut iqaqvii tapkuat taty havagiliqtai tapkuat nunaliuyut. Kihimik, Tagiuqmiutaligiyyit naunaiqhimalguqtut atuqniinik maniknik katihimayainik piqatauyut uyagakhiuqvikni nanminilgit ahianguqniinik huniqhimaittut imaqaqniit kitunitliqak naluyaukmata iqalukhiugauhimayakhaitnik. Iqaluit nayuqpagainut utiqviuyukhat tugangayut tapkununga Tahera-kut havanganut pihimayut nakuuyumik pivikhainik qanugiliuqtauniinut tamaita, tapkuatluniit kitutliqak atauhiugaluaq tapkunani pityutauyuni. Quyangivaphi ihumaliugutigittiaqniagaphiuk tuniyavut.

Uvamningaqtut,

Peter Taptuna
Maiyauyuq